

## Persones de cabbale de su Gerrei

### Pauli Gerrei

#### SALVATORE CORRIAS



Su giòvanu sardu chi aiat fatu espatriare in Isvìtzera chèntinas de ebreos. Testimonia de Roberta Naitza - Casteddu, 18 de onniasantu 2005.

Dia chèrrere fàghere connòschere s'istòria de unu giòvanu finanziaire sardu, Salvatore Corrias, nàschidu in Pauli Gerrei (Casteddu) su 18 de onniasantu 1909 e fusiladu in Moltrasio (Como) in su ghennàrgiu de su 1945 dae Brigadas Nieddas de sa Repùblica Sotziale Italiana, sa gosi narada "Repubblica di Salò".

Salvatore Corrias fiat istadu incurpadu de àere fatu arribbare in sa neutrale Isvìtzera chèntinas de ebreos, deghinas de famìlias chi fiant fuendesì de s'istèrminiu, políticos, pròfugos, persighidos dae su règimene fascista.

In su 1944 si fiat arruoladu in sa Brigada partigiana "Emanuele Artom" e aiat fatu s'ispola tra sa làcana isvìtzera e sa italiana sarvende medas persones. At pagadu cun sa vida su bonu coro suo, in favore de is persighidos.

Su giornale La Provincia di Como s'est ocupadu de issu iscriende chi su giòvanu sardu at tentu una parte importante in s'istòria de su Movimentu de liberatzione comascu, (semus in possessu de documentos ufiziales chi provant su chi at fatu).

Salvatore Corrias est interrada in Moltrasio, ma in Pauli Gerrei est abarradu biu su regordu suo. In su 2006 sa Cummissione de is Giustos de Yad Vashem at atribuidu a Salvatore Corrias su titulu de "Giustu tra is Natziones".

S'istòria sua est contada in su libru de Luciano Luciani e Gerardo Severino Gli aiuti ai profughi ebrei e ai perseguitati: il ruolo della Guardia di Finanza (1943-1945), publicadu e contivigiadu dae su Museu Istòricu de sa Gàardia de Finàntzia (II editzione aggiornada a su mese de ghennàrgiu 2008).

## Silius

### SALVATORE CONGIU



In su mese de argiolas 1944, in s'ùrtimu biàgiu suo in Germània, Mussolini aiat bsitadu is bator partziduras fascistas in addestramentu, posca disìgiatt risòlvare su problema de is I.M.I., is Internados Militares Italianos presoneris in is campos de cuntzentramentu tedescos. Issu no aguantat chi su alleadu suo Hitler teniat belle 600 mìgia militares italianos presoneris in is campos de cuntzentramentu e de traballu. Pro custu proponet a Hitler un'acòrdiu pro fàghere cambiare su "status" de is presoneris italianos pro ddos fàghere colare a sa cundizione de liberos traballadores tziviles, pro nde megiorare is cunditziones materiales e ddos destinare a traballos cunformes a is capatzidades profesionales issoro.

S'addòbiu intre Mussolini e Hitler acontesset su 20 argiolas de su 1944, e Hitler aiat atzatadu is rechertas giai ammaniadas dae su Duce pro su coladòrgiu de is internados militares italianos a "traballadores tziviles" cun su cambiamentu de "status" pro totus. Pro otènnere custa cundizione is Internados però divent firmare una declaratzione cun sa cale declarant chi sunt dispostos a traballare in Germània finas a sa fine de sa gherra, mentras is chi si refudant abarrant in internamentu. Chie colat a su servìtziu tzivile mantenet is bistires, sena sinnos militares, otenet sa torradura de is ogetos de valore, de is crèditos in marcos e de su càmbiu, a manera uguale, de is marcos lager. Is cumandos de is presoneris de gherra ant a dèvere, intro su 25 de austu 1944 o comente si siat intro su 10 de cabudanni 1944, comunicare s'èsitu de sa tzivilizatzione informende is internados militares, in antis de su cuntzessionem chi sa liberatzione est dèvida a su Duce e a su Führer. A sa proa pràtica, su coladòrgiu a liberos traballadores agatat pagas adesiones intre is internados pro is pagos benefitzios, limitados a carchi ora de libertade sa domìniga, a su cambiamentu de su nùmene de su lager in "bidditzolu de is operajos", a su biàgiu pro su traballu sena sentinella, est a nàrrere cunditziones cuntzèdidadas dae meda a frantzesos e polacos.

Ma su motivu de fundu de is pagas adesiones est sa contrariedade profunda in is cunfrontos de is cartzerieris tedescos, considerados inimigos, cales chi siant is propostas issoro e is eventuales pragheres. In belle totus is lager otenent rispostas negativas. Su coladòrgiu de is militares italianos a traballadores tziviles no acontesset in manera paghiosa e in meda lager s'avèrguant iscenas de violèntzia, cun pùngios, tzafos, contra is internados e minetas cun is armas. Aderit a custu acòrdiu solu su 30% de is presoneris italianos, sa majoria si dimustrat contrària a firmare sa declaratzione de is tedescos. Medas testimonias de is presoneris nostros ammentant is rispostas negativas torradas is tedescos, ma sa soluzione definitiva est bòlida dae is nazistas, chi ddos custringhent a devènnere "liberos traballadores" contra sa voluntade issoro.

Su sordadu simple Salvatore Congiu de Silius at arriscadu de èssere fosiladu pro s'èssere refudadu de firmare custa declaratzione. S'episòdiu est descritu in una pàgina de su diàriu intituladu suo "Un tizzone rimasto nel fuoco di Cefalonia" iscritu in s'annu iscolàsticu 1952-53 durante sa frecuèntzia a su cursu serale pro traballadores de s'iscola popolare. Custa pàgina, chi dimustrat su coràgiu e s'eròica resistèntzia a su nazifascismu de unu cuntzitudinu siliesu, est istada publicada in su 1997 de su giornale de Florèntzia "Il Combattente" pro detzisione de su capitano Amos Pampaloni. Inoghe in suta ponimus s'articulu chi regordata Sarbadore Congiu.

## Armùngia

### EMILIO LUSSU



Nàschidu in Armùngia (Casteddu) su 4 de mese de idas 1890, mortu in Roma su 5 de martzu 1975, laureadu in Lege, tra is fundadores de "Giustizia e Libertà", iscritore.

A pustis de àere partetzipadu, cun balentia, a Gherra Manna comente ufiziale de complementu, torradu a Sardigna Lussu est unu de is sustenidores printzipales de su movimentu chi in su 1919, in Casteddu, aiat fatu nàschere su Partidu Sardu de Atzione. Elègidu deputadu in su 1921 e in su 1924, a pustis de su delitu Matteotti fiat istadu tra is acusatòrios printzipales de Mussolini, a su puntu chi su 31 de mese d'eladàmine de su 1926 sos iscuadristas aiant assalrtiasu sa domo sua de Casteddu. Lussu si fiat inserradu in domo calende su fogu a is fascistas. Unu fiat abarradu mortu e a Lussu, dd'aiant postu in rpesone pro trèighi meses. Assòlvidu in istrutòria pro legitima difesa, Mussolini dd'aiat cunfinadu 5 annos a Lipari. Ma Lussu, su 27 de onniasantu de su 1929, fist resèssidu a si fuire paris cun Carlo Rosselli e Fausto Nitti e a agatare aprigu in Parigi. Inoghe, cun àteros refugiados polìticos italianos, fundat su movimentu "Giustizia e Libertà". A pustis de unu perìodu in Isvìtzera (pro curare is medas fertas de gherra e is males causados dae su càrtzere e dae su cunfinu), Lussu in su 1937 imbucat a su postu de Rosselli (assassinadu dae is fascistas) a sa ghia de GL. Est issu su capu de su movimentu cando is tedeschos invadent sa Frantza. In s'austu de su 1943 reseset a torrare a Itàlia e in su mese de cabudanni est in Florèntzia, a su primu atòbiu natzionale de su Partidu de Atzione. A pustis de s'armistìtziu est unu de is capos de sa Resistèntzia romana e, acabbada sa gherra, intrat a fàghere parte, in su 1945, de su governu Parri e de su sighente primu governu De Gasperi. In su 1946 est deputadu de s'Assemblea Costituente. Cun s'isorvimentu de su Partidu de Atzione aderit, in su 1947, a su PSI e in su 1964 est tra is fundadores de su Partidu Sotzialista de Unidade Proletària. Deputadu, senadore, dirigente natzionale de s'ANPI, a Emilio Lussu, in prus pro s'impinnu polìticu tocat a ddu remonare comente iscritore, regordende a su mancu su libru cosa sua "Teoria dell'insurrezione", imprentadu in Frantza in su 1936, su sàgiu "Marcia su Roma e dintorni" e sa chi est cunsiderada dae totus s'òpera mastra literària sua prus manna, ma chi difatis abarrat su manifestu polìticu suo: "Un anno sull'altopiano". Custu libru in contu de sa Prima gherra mundiale est istadu torradu a imprentare in su 2008 de s'Unità, cun un'introduzione chi Mario Rigoni Stern aiat iscritu in su 2000. A Emilio Lussu sunt intitulados, tzentros de istùdiu, iscolas, caminos, bibliotecas e tzìrculos culturales.

## Ballau

### GIORGIO MASTINO DEL RIO



Giorgio Mastino del Rio (Ballau, 3 de ghennàrgiu 1899 – Roma, 15 mese de ladàmine 1969) est istadu unu pòliticu e abogadu italianu. Deputadu in sa I e sa de II legisladuras, fiat istadu ativu meda in sa resistèntzia. Fiat istadu fintzas torturadu dae is SS in sa sede de bia de Tasso in Roma. Abogadu de professione, traballaiat in sa capitale in ue est mortu. Giorgio Mastino Del Rio fiat nàschidu in Ballau, in su Gerrei, su 3 de ghennàrgiu 1899, dae Francesco e Maria Giuseppa del Rio. Sa famiglia sua non fiat originària de sa bidda, sa mama fiat de Silanos e su babbu de Cùllieri. Su prus piticu de chimbe figios tra frades e sorres, fiat nàschidu in Ballau belle pro cunbinazione, cando sa famiglia si fiat trasferida tramudad pro unos pagos annos ebbia, pro more de su traballu de su babbu chi traballaiat de tècnicu pro su tràigu de is caminos. Aviadu finas dae giòvanu a is istùdios giuridicos, a bintun'annos ebbia si fiat laureadu in Giurisprudèntzia in s'Universidade de Casteddu. Durante is annos universitàrios, biagende tra Casteddu e Ballau, aiat connotu a Maria Cabra, chi fiat devènnidu sa mugere sua in su 1923. Is duos si nche fiat cambiados a bìvere in deretura a Roma, in ue Giorgio Mastino aiat cumintzadu sa carriera de abogadu; a bintichimbe annos isceti fiat istadu s'abogadu de parte tzivile in su protzessu contra is Guàrdias Règias chi in Mòdena aiant acumpridu un'istrage, isparende contra is manifestantes chi manifestaiant in pratza. Fiant intradu deretu in s'ambiente pòliticu romanu e in su 1924 dd'aiant candidadu in su Partidu Populare Italianu, paris cun Antonio Segni Palmerio Delitala. Mentras in Itàlia cumentzaiat su binènniu fascista, Mastino, devènnidu abogadu de giudu, aiat fundaduparis cun àteros collegas su Comitadu Forense de Agitazione, un'organismu cumpostu dae medas abogados chi operaiant a iscusì contra su règimene de Mussolini, organizende boicotàgios e assistende imputados politico a s'indonu. A s'internu de custu organismu, chi sa parte prus manna aiant mandados de arrestu, s'agataiant rapresentados unos cantos partidos pòliticos e Mastino rapresentaiat sa Democrazia Cristiana. Mastino no aguantaiait su governu fascista e cun su Comitadu Forense de Agitazione, faghiat atziones antifascistas. A pustis de su cabudanni 1943 fiat devènnidu unu de is animadores de sa Resistèntzia romana, impinnadu in duos frontes, su de sa Cummissione Sindacale pro s'istùdiu de su patu de unidade intre comunistas e sotzialistas, su grupu de atzione cumandadu dae Emilio Lussu (1890-1979) e animadu dae personalidades comente a Pilo Albertelli e Vincenzo Toschi. Su grupu gestiat is comunicatziones ràdiu cun is alleados, unu depòsitu de armas e aiat organizadu unos cantos atentados. Giorgio Mastino aiat connotu a Emilio Lussu durante su periodu universitàriu, intre su 1919 e su 1920, cando Lussu fiat torradu a Sardinia a pustis de sa Primu Gherra Mundiale. Mastino fiat unu de sos rapresentantes de sa Democrazia Cristiana e Lussu bi rapresentaiat su Partidu de Atzione. In su 1944 fiat istadu arrestadu dae sos tedescos de sa Gestapo chi suspetaiant chi tenneret cuntatos cun Emilio Lussu e àteros esponentes de sa Resistèntzia. Torturadu in su càrtzere romanu de bia de Tasso no aiat traitu sos cumpàngios de sa luta de liberatzione. Pro custu motivu fiat istadu onoradu de sa medàllia dae prata a su valore militare. A pustis de sa gherra, candidadu in sa Democrazia Cristiana fiat istada elègidu deputadu in su 1948 (in antis legisladura) e 1953 (segunda legisladura). Intre sos protzessos meda si subenint sa defensa tzivile in favore de is familias de is minadores italianos vùtimas de sa tragèdia de Marcínelle in Bèlgiu acontèssida su 8 austu 1956. In Roma aiat fundadu s'Assòtziu Ichnusa “ La casa dei sardi”. Fiat istadu longos annos amigu e collaboradore fidadu de Aldo Moro. S'amministratzione de Ballau in su 1999, in occasione de su tzentenàriu de sa nàschida, dd'at intituladu sa biblioteca comunale.

## Santu 'Asili 'e Monti

### ANNA CRISTINA SERRA



Anna Cristina Serra (Casteddu, 4 de argiolas 1960) est una poeta e drammaturga sarda. Originària de Santu 'Asili de Monti, est crèschida inie ma immoe istat in Casteddu cun sos duos figios, Silvia e Francesco. At cumintzadu a iscriere, belle pro giogu, in su 1992, pro unu prèmiu organizadu in domo sua, ma a pustis at partetzipadu a totus is prèmios prus importantes de s'ìsula.

At publicadu, cun sa domo editora Tema, sa regorta "Su Fragu 'e subra de entu" binchidora de su Prèmiu Mialinu Pira de su 1996. Cun is "Editziones Frorias" in su 2003 sa regorta de poesias "Follas" (dedicada a su mastru Benvenuto Lobina), cun s'E.de.s., in su 2010, a incuru de Nicola Tanda, "Luna Cantadora", poesias inèditas, e cun sa Soter, "Lentores" (sutatitulu "Drosies, Rugiade") cun tradutziones in aregu e italianu. Su nùmene suo est presente in medas antologias de poetas e iscritores sardos, comente pro esèmpiu sa de sa "Limba Mama Sarda", "Bentu de Terra Manna", o "Un'Odissea de rimas nobas".

Unos cantos iscritos suos sunt istados sonados e cantados dae Ambra Pintore, Franco Madau e Pino Martini.

Est istada membru de medas giurias de cuncursos literàrios, intre sos cales su "Prèmiu Fiscali", su "Prèmiu Internatzionale de Milanu", "Prèmiu Tzitade de Tèmpiu", su "Prèmiu Otieri" e àteros ancora. At bortadu in sardu "Una Donna" de Sibilla Aleramo. At iscritu duos testos teatrales, "Alientu" in su 2004 e "Lionora, una bisiones" in su 2007" postos in iscena de sa Cumpangia Teatrale "Fueddu e Gestu" de Bidda Sorris. Semper in àmbitu teatrale, at traballadu paris cun Maria Lai pro abrontare una rapresentatzione de Miele Amaro de Sarvadore Cambosu. Un'àtera òpera sua, custa borta in beste de istudiosa, est "Bellebbatu" una chirca subra su lèssicu locale de su paisu de Santu 'Asili 'e Monti, publicada dae sa domo editora Domus de Janas. Pro medas annos est istada presidente de s'Assòtziu Culturale "Galania" e at collaboradu a s'abrontu de eventos, cunferèntzias, convegnos, mustras e presentadas de libros cun esponentes nòdidos de s'arte e de sa cultura sarda. In su 2015 at rapresentadu sa Sardigna in su fèstival de sa poesia "Aposentu – Scotland's international poetry" de sa tzitade de St. Andrews, in Iscòtzia, unu de sos fèstival prus mannos de custu genia in Europa e in su mundu.

Sighint is pèmios chi at bìnchidu

Prèmiu "Otieri" in su 1993 e in su 1998, Prèmiu "Mialinu Pira" in su 1996, Prèmiu "Santu Antoni'e Calanzanus de su 'ou" de Mamujada in su 1993, 1994, 1995, Prèmiu Internatzionale de Milanu in su 1997, 2004, 2008, Prèmiu "Remundu Piras" in su 2008, Prèmiu "Peppino Mereu" in su 2009, Prèmiu "Tzitade de Tàtari" in su 2010, Prèmiu "La terzina" (pro sa prosa) in su 1998, 10 Prèmios internatzionales de poesia in limba sarda, cunferidu in su 2024 de su Tzentru sotziale culturale sardu de Milanu pro "Crepiteddas" e dedicadu a sa memòria de Paolo Pillonca.

## SANT'ANDREA FRIUS.

### SUOR EUGENIA, ROSA USAI



Pro is chentiannos, in su 2020, a Rosa Usai, nòmene de mòngia Suor Eugenia, dd'ant fatu una festa pitica, sena esàgeri, in su respetu rigorosu de is normas pro s'istesiamentu sotziale dispostas pro evitare su Covid 19, in Flumini de Quartu in sa comunidade de sa "Congregazione delle pie suore della Redenzione" de bia de Regina Angelorum. Sa tzentenària, sa prus pitica de noe figios postos a su mundu dae Isabella Casula e Giovanni, unu massaju, est nàschida in Sant'Andria 'e Frius, su bidda posta a làcana intre su Gerrei, su Parteolla e sa Trexenta su 18 cabudanni 1920. A pustis de s'essere diplomada in s'istitu magistrale Eleonora di Arborea de Casteddu, su 12 de mese de ladàmine 1944 est intrada a conventu mancari su babbu esseret contràriu e si fiat postu de traessu ca un'àtera figia, Evangelina, si fiat fata mòngia de s'òrdine de is "figias de San Pàule", sa cungregatzione fundada in su 1915 in Alba dae su biadu Giacomo Albertone, assumende su nùmene de mòngia "Maria Assunta".

Sa tzentenària aiat aderidu a sa Cungregatzione de is pias mòngias de sa Redenzione fundada in su 1935 dae Anna Figus, nàschida in Casteddu in su 1900 e morta a Roma in su 1995, chi si fiat dedicada a su recùperu ispirituale e umanu de is ex prostitutas e a s'assistèntzia a detenutos, ex tossicodipendentes e mamas bagadias. Comente mòngia est istada in medas comunidades, prus che totu in Itàlia. In sos annos 50 aiat acumpridu su servìtziu de mastra de is novìtzias, in sos annos 60 de cunsigera generale e, comente bisitadora, at giradu totu is domos de sa Cungregatzione. At acumpridu su servìtziu de Superiora in Florèntzia, Nàpule, Pàdua, Casteddu, e in sa curia generalitzia de Roma.

In Flumini, in sa comunidade de is cunsorres mannas, est arrivada in su 2010 a s'dade de 90 annos. Mòngia Eugenia est a postu de conca, si regordat totu e connoscet a totus: nche colati s dies ligende e preghende. Sa festa cun is cunsorres suas est cumintzada a pustis de sa missa de ringratziamentu tzelebrada dae para carmelitanu, Gabrielle Bacui. Intre is primos a ddi donare is augurio, a banda is cunsorres suas, su s'indigu de Sant'Andria 'e Frius, Simone Melis, chi dd'at donadu una targa de regordu, una parte de is 26 nebodes, de is 66 figios de is nebodes, de is 63 trinipoti e de is 7 nebodes de sa de bator generatziones. Rosa Usai est sa de ses santandriesa a l'òmpere a su sèculu de vida.

«Mancare si nde siat andata dae sa bidda nadale sua, Sant'Andria 'e Frius, cando fiat giòvana meda, pro motivos de istùdiu, si regordat semper cun afetu mannu e istima sa bidda sua e s'est emozionada meda cando s'at postu sa fàscia de su s'indigu e cando a retzidu su piticu pensamentu chi, a nùmene de totu sa comunidade e a nùmene meu, dd'apo intregadu faghendeddi is mègius augùrios», at naradu su primu tzitadinu Simone Melis.



## Scalepranu

### ANTONIO FARCI



Su partigianu Antonio Usai de Scalepranu at acumpridu 100 annos. Cupleannu in domo de sa figia Maria a Ortzai, ma sa festa manna s'at a fàghere in sa bidida nadale "comente possibile" su 12 ghennàrgiu 2021. Un'àteru escalaplanesu, su de ùndighi dae su 1871, s'annu chi su Rennu de Itàlia aiat postu obbrigatòria in cada comunu s'anàgrafe de sa populatzione, at lòmpidu su traguardu de su sèculu de vida. Su tzentenàriu, Antonio Usai, segundu figiu de is sete figios (6 mascros e una fèmina) postos a su mundu de Maria Agus e Antìogu, unu pastore, fiat nàschidu in Scalepranu s'8 ghennàrgiu de su 1921. Sunt galu bios duos frades: Pascale, 93 annos e Tomasu, 79 annos. Su primu est in Casteddu, su segundu in Scalepranu. Is àteros 4, Giovanni, Antonia, Giuseppe (Pinuccio) e Gino sunt giai mortos.

Tziu Antoninu at tentu un'infàntzia e una pitzinnia serena. At frequentadu s'iscola elementare finas a su de chimbe annos e at cunsighidu sa litzèntzia. Posca, at fatu su pastore finas a cando no est istadu mutidu a pro sa leva a fàghere su servìtziu militare in s'aereonàutica règia, duradu prus de su prevididu, a càusa de s'incumentzu de sa segunda gherra mundiale e de s'intrada in gherra de s'Itàlia. A pustis de s'armistìtziu de s'Itàlia (8 de cabudanni 1943) s'est ischieradu cun is partigianos. Su ministèriu de sa defenza su 4 de onniasantu de su 1993 dd'at dadu "su diploma de onore chi atestat sa cualifica" de gherradore pro sa libertade de Itàlia dae su 1943 a su 1945", e pero "s'atestadu de benemerèntzia" pro àere partetzipadu comente aviere de sa règia aereonàutica a is operatziones de gherra in su Mediterràneu dae su 1941 a su 1943.

In su 1949 si fiat cojuadu cun Peppina Frau, de bidida sua etotu. Dae s'unione sunt nàschidos 4 figios, de custos duoe ebbia sunt galu in vida: Maria, sa manna istat Olzai, Vittorio, su de tres est in Gènova. Is àteros duos sunt mortos s'annu coladu, Gina (in martzu), Gianni (in austu). Antonio Usai at traballadu dipendente de is impresas chi ant fraigadu is digas de Flumineddu, su ritzosu prus importante de su Frumendosa, e de su Mulàrgia. In su 1960, pro motivos de traballu, sinnche fiat tramudadu a bìvere a Gènova, in su bighinadu de Rivarolo, acanta at traballadu in un'impiantu de betonàgiu, finas a cando at lampi is annos pro pòdere andare in pensione.

In su 1980 est torrada cun sa famiglia in Scalepranu. Dae cando est abarradu viudu (in su 2011) bivet a solu. Dae su 2016 dd'agiudat pro is cumandos de domo sa badante Pierpaola Cubeddu. Immoe s'agatat in Ortzai, de sa figia Maria, chi dd'at abrontadu sa turta pro is chent'annos. Sa festa est istada fata transida a un'àtera die. "Dd'amus a fàghere a Scalepranu – at naradu sa figia – comente acabbat s'apretu de su covid". In Scalepranu bivent àteros duos tzentenàrios: Mariangela Gessa (at acumpridu 106 su 30 de mese de argiolas) e Peppina Sulis (at fatu 101 su 15 de cabudanni).

## Biddesatu

### FILIPPETTA CIFOLA



Grandu festa in Biddesatu pro is chentu annos de Filippa Cifola (ma totus dda conoschent comente Filippetta). Unu traguardu importante chi at a èssere tzelebradu cun sa Santa Messa chi at a èssere tzelebrada a sas 18 in domo de su figiu, Ubaldo Garau, a su tzìvicu 37 de bia de Manno, in ue nannai Filippetta bivet, bidu chi is cunditziones suas de salute non sunt bonas meda. A s'agabbu de sa tzerimònia, sa festada e is familiares ant a retzire totus is chi ant a bòlere fàghere sos augùrios a sa tzentenària.

Filippetta Cifola est de origines marchigianas: difatis est nàschida in Monte Urano in provìntzia de Fermo. At connotu su maridu Luigi Garau, biddesatesu, in Servigliano, in su campu de presonia in ue issu prestaiat servìtziu militare. Issa andaiat a incue pro traballare: sabunaiat difatis sa roba de is sordados chi presidiaiant su campu. Inoghe si funt bitos sa primu bia e in deretura est nàschidu s'amore. Filippetta e Luigi si nche sunt cojuados in su 1946, a gherra finida.

Sempre n su 1946 sa còpia si nche fiat cambiada a bìvere a Biddesatu. No est istadu fàtzile pro Filippetta a s'adattare a sa realidade noa: in sa bidda de su Gerrei in cuddos annos no est arribbadu mancu su servìtziu de energia elètrica. In Biddesatu at fatu sa mastra de pannu e at trasmìtidu s'arte sua a medas fèminas e pitzocas de su logu. Dae s'unione cun Luigi Garau (mortu in su 1988) sunt nàschidos Ubaldo, Ivana, Marco e Diano. Una famiglia destinada a s'allargare meda de prus: Filippetta Cifola, difatis, tenet 12 nebodes e 11 nepodes segundos.